

定字曰大昏謂甚昏昧也博夜後夜也謂長不明也所以甚言今人之昏昧

敝也。地重人載毀敝而養不足。事未作而民興之。是以下名而上實也。聖人者省諸本而游諸樂。大昏也。博夜也。問曰。與時化若何。莫善於侈靡。賤有實。敬無用。則人可刑也。故賤粟米而如敬珠玉。好禮樂而如賤事業。本之始也。珠者陰之陽也。故勝火。玉者陰之陰也。故勝水。其化如神。故天子臧珠玉。諸侯臧金石。大夫畜狗馬。百姓臧布帛。不然則強者能守之。智者能牧之。賤所貴而貴所賤。不然鰥寡獨老不與得焉。均之始也。政與教孰急。管子

大澆曰四若四人多喻四教秋雲夏雲謫靜流水嚴以肅之和以煦之靜則意動而怨流則思生而注

曰。夫政教相似而殊方。若夫教者。標然若秋雲之遠。動人心之悲。藹然若夏之靜。雲乃及人之體。鵬然若謫之靜。動人意以怨。蕩蕩若流水。使人思之。人所生往教之始也。身必備之。辟之若秋雲之始。見賢者不肖者化焉。敬而待之。愛而使之。若樊神。山祭之。賢者少。不肖者多。使其賢不肖惡得不化。今夫政則少。則若夫成形之徵者也。去則少。可使。人乎。用貧與富。何如而可。曰。甚富不可使。甚貧不知耻。水平而不流。無源則邀竭。雲平而雨不甚。無

委雲雨則遯已。政平而無威則不行。愛而無親則流。親左有用無用則辟之。若相爲有兆怨。上短下長無度而用則危。本不稱而祀譚次祖犯詛渝盟。傷言敬祖禰尊始也。齊約之信論行也。尊天地之理所以論威也。薄德之君之府囊也。必因成形而論於人。此政行也。可以王乎。請問用之若何。必辨於天地之道。然後功名可以殖。辯於地利而民可富。通於侈靡而士可戚。君親自好事。強以立斷。仁以好任。人君壽以政年。百姓不夭厲。六畜遮育。五

大復曰故猶致也

大復曰獎計也
計國者以家君
操曰重而行之
柄計家起化而
下之通于流水
是君有招徠之

穀遮熟然後民力可得用。鄰國之君俱不賢然後得王。俱賢若何。曰忽然易卿而移。忽然易事而化。變而足以成名。承弊而民勸之。慈種而民富。應言待感與物俱長。故日月之明。應風雨而種。天之所覆地之所載。斯民之良也。不有而醜。天地非天子之事也。民變而不能變。是梳之傳革。有革而不能革。不可服。民死信。諸侯死化。請問諸侯之化。弊弊也者。家也。家也者。以因人之所重而行之。吾君長來。獵君長虎豹之皮。用功力之君。上金玉幣。好戰

術長來之也

定字曰按羅至樂謂耳倦絲竹也

大復曰予奪使輟摠言用臣之柄徒以之六者則予奪使輟

之君上甲兵。甲兵之本。必先於田宅。今吾君戰則請行民之所重。飲食者也。侈樂者也。民之所願也。足其所欲。贍其所願。則能用之耳。今使衣皮而冠。角食野草。飲野水。訖能用之。傷心者。不可以致功。故嘗至味而罷。至樂而雕卵。然後淪之。雕橈然後爨之。丹砂之穴。不塞。則商賈不處。富者靡之。貧者為之。此百姓之怠生。百振而食。非獨自為也。為之畜化。用其臣者。予而奪之。使而輟之。徒以而富之。父繫而伏之。予虛爵而驕之。收其春秋之時。而消

之變化也。信狂以驟錄負士伏父繫錄用罪餘予虛爵貴其休貌而無任收春秋考課以時而黜陟臣有僭越權也。以禮齊而居之。功能盛者強也。時舉譽以名勸之。

之有襍禮。我而居之。時舉其強者。以譽之。強使服事。辯以辯辭。智以招請。廉以標人。堅強以乘六。廣其德。以輕上位。不能使之。而流徙。此謂國亾之郤。故法而守常。尊禮而變俗。上信而賤文。好緣而好駟。此謂成國之法也。為國者。反民性。然後可以與民戚。民欲佚而教以勞。民欲生而教以死。勞教定。而國富。死教定。而威行。聖人者。陰陽理。故平外。而險中。故信其情者。傷其神。美其質者。傷其文。化之美者。應其名。變其美者。應其時。不能兆其端者。蓄

大復曰塞門與
開國閉辱一正
一反此為不能
開而臣有以自
樹者

及之。故緣地之利。承從天之指。辱舉其死。開國閉辱。知其緣地之利者。所以參天地之吉。綱也。承從天之指者。動必明。辱舉其死者。與其失人同。公事則道必行。開其國門者。玩之以善言。柰其尊辱。知神次者。操犧牲與其珪璧以執其竿。家小害以小勝大。負其中辱其外。而復畏強。長其虛。而物正以視其中情。公曰。國門則塞。百姓誰敢敖。胡以備之。擇天下之所宥。擇鬼之所當。擇人天之所戴。而亟付其身。此所以安之也。強與短而立齊國之若何。

又曰強與短是
人之劉明與短
劣不齊而立欲
齊之唯舉賢以
風故下俱以用
賢非二應

又曰固事毋入
言波勢方固我
無入挑之

高予之名而舉之。重予之官而危之。因責其能以隨之。猶儼則疎之。毋使人圖之。猶疎則數之。毋使人曲之。此所以為之也。大有臣甚大。將反為害。吾欲優患除害。將小能察大。為之柰何。潭根之毋伐。固事之毋入。深鬻之毋涸。不儀之毋助。章明之毋滅。生榮之毋失。十言者不勝此一。雖凶必吉。故平以滿。無事而總。以待有事而為之。若何。積者立。餘日而侈。美車馬而馳。多酒醴而靡。千歲毋出食。此謂本事。縣人有主人。此治用。然而不治。積之市。一

大復曰視其不可彼以下言用人以上言化利二者無事之待

人積之下。一人積之上。此謂利無常。百姓無寶。以利爲首。一上一下。唯利所處。利然後能通。通然後成國。利靜而不化。觀其所出。從而移之。視其不可使。因以爲民等。擇其好名。因使長民。好而不已。是以爲國紀。功未成者。不可以獨名。事未道者。不可以言名。成功。然後可以獨名。事道。然後可以言名。然後可以承致酢。先其士者之爲自犯。後其民者之爲自贍。輕國位者。國必敗。疎貴戚者。謀將泄。毋仕異國之人。是爲失經。毋數變易。是爲敗成。大臣

定字曰按別本注宗族國之藩屏若毀之則國

得罪。勿出封外。是爲漏情。毋數據大臣之家而飲酒。是爲使國大消。三堯在臧於縣。返於連比。若是者。必從是嚮。亾乎。辟之若尊譚。未勝其本。亾流而下。不平令。苟下不治。高下者。不足以相待。此謂殺事立而壞何也。兵遠而畏何也。民已聚而散何也。輟安而危何也。功成而不信者。殆。兵強而無義者。殘。不謹於附近而欲來遠者。兵不信。畧近臣合於其遠者立。亾國之起。毀國之族。則兵遠而不畏。國小而脩大。仁而不利。猶有爭名者。累哉。是也。樂聚

弱兵寇遠而不
畏也

之力。以兼人之強。以待其害。雖聚必散。大王不恃
衆而自恃。百姓自聚供而後利之。成而無害。疎戚
而好外。企以仁而謀泄。賤寡而好大。此所以危衆
而約。實取而言讓。行陰而言陽。利人之有禍。言人
之無患。吾欲獨有是若何。是故之時陳財之道可
以行。今也利散而民察。必放之身然後行。公曰謂
何。長喪以黜其時。重送葬以起身財。一親往。一親
來。所以合親也。此謂衆約。問用之若何。巨瘞堵。所
以使貧民也。美壟墓。所以文明也。巨棺槨。所以起

大復曰男女力
作之財口身財

木工也。多衣衾。所以起女工也。猶不盡。故有次。浮
也。有差。樊有瘞。藏作此相食。然後民相利。守戰之
備合矣。鄉殊俗。國異禮。則民不流矣。不同法。則民
不困。鄉丘老不通。覩誅流散。則人不眺。安鄉樂宅
享祭。而謳吟稱號者。皆誅。所以留民俗也。斷方井
田之數。乘馬甸之衆。制之陵谿。立鬼神而謹祭。皆
以能別。以爲食數。示重本也。故地廣千里者。祿重
而祭尊。其君無餘地。與他若一者。從而艾之。君始
者。艾若一者。從乎殺。與于殺若一者。從者艾。艾若

大復曰雷俗莫
如井田

大復曰艾治田
也殺什一也寬
之也從者艾是
首與功後相率

而從辟治者亦
送于殺什一所
以廣勸耕而
地改也此制從
無封而始王道
以此為上事
又曰官司昭穆
承上祭神祿臣
二項以器事尊
思以戰事酬功
然而宗廟之秩
典朝廷之役官
不同等云之故
義之上祖之尊
兩修無害是以
廟中之序用聚
以昭宗姓朝中
之任用殺以等

賢勞國體各有
辨君道各有適
則為主之不可
輕也
定字曰按高子
聞之以下至雖
有聖人惡用之
皆錯簡也

定字曰按汚殺
之事人執言屈
已下人也雖有
聖人惡用之言

一者從于殺。與于殺若一者。從無封始。王事者上。王者上事。霸者生功。言重本。是為十畝。分免而不爭。言先人而自後也。官禮之司。昭穆之離。先後功器事之治。尊鬼而守故。戰事之任。高功而下死。本事食功而省利。勸臣。上義而不能與小利。五官者人爭其職。然後君聞祭之時。上賢者也。故君臣掌君臣掌。則上下均。此以知上賢無益也。其亾茲適。上賢者亾。而役賢者昌。上義以禁暴。尊祖以敬祖。聚宗以朝殺。示不輕為主也。載祭明置。高子聞之。

以告中寢諸子。中寢諸子告寡人。舍朝不鼎饋。中寢諸子告宮中女子曰。公將有行。故不送公。公言無行。女安聞之。曰聞之中寢諸子。索中寢諸子而問之。寡人無行。女安聞之。吾聞之先人。諸侯舍於朝。不鼎饋者。非有外事。必有內憂。公曰。吾不欲與汝及若。女言至焉。不得母與女及若言。吾欲致諸侯。諸侯不至。若何哉。女子不辯於致諸侯。自吾不為汚殺之事人。布織不可得而衣。故雖有聖人惡用之。能摩故道。新道定國家。然後化時乎。國貧而

不下人則諸侯不至雖聖人亦無用也
大復曰國貧而利專富于鄙商賈乘上乏而直市其美如此則上困國富而下無居息鄙邑蕭然則市不通而人莫盡如也如此則下困而究上亦困此先論富國然後下及強兵
又曰數言難辨

鄙富。直美於朝市。國富而鄙貧。莫盡如市。市也者。勸也。勸者所以起本善而末事起不侈。本事不得立。選賢舉能不可得。惡得伐不服。用百夫無長。不可臨也。千乘有道不可脩也。夫紂在上。惡得伐不得。鈞則戰。守則攻。百蓋無築。千聚無社。謂之陋。一舉而取天下。有一事之時也。萬諸侯鈞。萬民無聽。上位不能為功。更制其能王乎。緣故脩法以政治道。則約殺子。吾君故取。夷吾謂替。公曰何若。對曰以同。其日久臨。可立而待。鬼神不明。囊橐之食。

大復曰禱朝祭祀之朝事

大復曰請問非問。辭言人君訪詢邊情而為之事。謀。

又曰候人即候吏。偵騎邊之交。

無報。明厚德也。沈浮。示輕財也。先立象而定期。則民從之。故為禱朝。縷綿。明輕財而重名。公曰同臨。所謂同者。其以先後智渝者也。鈞同財。爭依則說。十則從服。萬則化。成功而不能識。而民期。然後成形。而更名則臨矣。請問為邊若何。對曰夫邊日變。不可以常知。觀也。民未始變。而是變。是為自亂。請問諸邊而參其亂。任之以事。因其謀。方百里之地。樹表相望者。丈夫走禍。婦人備食。內外相備。春秋一日敗。曰千金。稱本而動。候人不可重也。唯交於

與辭主之能固
交無攜二能必
辭無溢言其人
貴選不貴溢故
不可重也與不
可不重同
又曰爵祿國之
寶也弃而不吝
以任大臣必其
人聖智足當之
椽如漢椽吏之
椽佐吏小官毋
使踰尊陵大能
宮之為君即主
也主能用人合
羣不守而自不
散以大統小衆
乃有長不然則

群起為教此糾
合人羣之道
又曰輕重即申
大小使能之權
不別輕重而全
祿之國貧用乏
全賞之善變為
惡以使常

上能必於邊之辭。行人可不有私。不有私。所以為
內因也。使能者有主矣。而內事。萬世之國。必有萬
世之實。必因天地之道。無使其內。使其外。使其小。
毋使其大。弃其國寶。使其大。貴一與而聖。稱其寶。
使其小。可以為道。能則專。專則佚。椽能踰。則椽於
踰。能官則不守而不散。衆能伯。不然。將見對。君子
者。勉於糺人者也。非見糺者也。故輕者輕。重者重。
前後不慈。凡輕者操實也。以輕則可使。重不可起。
輕輕者有齊。重以為國。輕以為死。毋全祿。貧國而

用不足。毋全賞。好德惡。以使常。請問先合於天下
而無私怨。犯強而無私害。為之若何。對曰。國雖強。
令必忠以義。國雖弱。令必敬以哀。強弱不犯。則人
欲聽矣。先人而自後。而無以為仁也。加功於人而
勿得。所橐者遠矣。所爭者外矣。明無私交。則無內
怨。與大則勝。私交衆。則怨殺夷吾也。如以予人財
者。不如無奪時。如以予人食者。不如毋奪其事。此
謂無外內之患。事故也。君臣之際也。禮義者。人君
之神也。且君臣之屬也。親戚之愛。性也。使君親之。

大復曰無札義
之紀君失其神
而與臣下比則
屬不以札而以
際

定守曰况古况
字

大復曰往至統
句謂發以至言

察同索屬故也。使人君不安者。屬際也。不可不謹也。賢不可威。能不可留。杜事之於前。易也。水鼎之汨也。人聚之。壤地之美也。人死之。若江湖之大也。求珠貝者不令也。逐神而遠熱。交解者不處。况遺利。夫事左中國之人。觀危國過君而弋其能者。豈不幾於危社主哉。利不可法。故民流神不可法。故事之。天地不可留。故動化。故從新。是故得天者高。而不崩。得人者卑。而不可勝。是故聖人重之。人君重之。故至貞。生至信。至言。往至統。生至自有道。不

焉

大復曰山艮止
之義

大復曰無使下
為固然必行則
下必尽功能以

務以文勝情。不務以多勝少。不動則望有廡。旬身行。法制度量。王者典器也。執故義道。畏變也。天地若夫神之動化變者也。天地之極也。能與化起而王用。則不可以道山也。仁者善用。智者善用。非其人。則與神往矣。衣食之於人也。不可以一日違也。親戚可以時大也。是故聖人萬民艱處而立焉。人死則易云。生則難合也。故一為賞。再為常。三為固然。其小行之則俗也。久之則禮義。故無使下當上必行之。然後移商人於國。非用人也。不擇鄉而處。

市上賞故曰移商人于國云

八曰極言商人

之干利以此君

臣應上言利又

歸本篇侈靡

大復曰王制司

馬辨論官材云

之為言論叙之

也牧臣牧也

不擇君而使。出則從利。入則不守。國之山林也。則而利之。市塵之所及。二依其本。故上侈而下靡。而君臣相上下。相親。則君臣之財不私藏。然則貪動。枳而得食矣。徒邑移市。亦為數一。問曰。多賢可云。對曰。魚鼈之不食。叫者不出其淵。樹木之勝霜雪者。不聽於天。士能自治者。不從聖人。豈云哉。夷吾之聞之也。不欲強能。不服智而不牧。若旬虛期於月津。若出於一明。然則可以虛矣。故阨其道而薄其所予。則士云矣。不擇人而予之。謂之好人。不擇

大復曰。改必法天。隨時而節。如生殺刑賞。其大者。主不動。為道齊。不一為行。去其避世之尤。要于經世之務。謀進顯之哉。感應之。犹恐世之不齊。其再殺乎。如此。後可回世運。而應天運。

人而取之。謂之好利。審此兩者。以為處行。則云矣。不方之政。不可以為國。曲靜之言。不可以為道。節時於政。與時往矣。不動以為道。齊以為行。避世之道。不可以進取。陽者進。謀幾者應。感再殺則齊。然後運可請也。對曰。夫運謀者。天地之虛滿也。合離也。春秋冬夏之勝也。然有知強弱之所尤。然後應諸侯取交。故知安危國之所存。以時事天。以天事神。以神事鬼。故國無罪而君壽。而民不殺。智運謀而雜橐刃焉。其滿為感。其虛為凶。滿虛之合。有時

而爲實。時而爲動。地陽時貸。其冬厚則夏熱。其陽厚則陰寒。是故王者謹於日至。故知虛滿之所在。以爲政令。已殺生。其合而未散。可以決事。將合可以禺。其隨行以爲兵。分其多少以爲曲政。請問形有時而變乎。對曰。陰陽之分定。則甘苦之草生也。從其宜。則酸醎和焉。而形色定焉。以爲聲樂。夫陰陽進退。滿虛亾時。其散合可以視歲。唯聖人不爲歲。能知滿虛。奪餘滿。補不足以通政事。以贍民常。地之變氣。應其所出。水之變氣。應之以精。受之以

豫。天之變氣。應之以正。且夫天地精氣有五。不必爲沮。其亟而反其重。咳動毀之進退。卽此數之難得者也。此形之時變也。沮平氣之陽。若如辭靜。餘氣之潛然而動。愛氣之潛然而衰。胡得而治動。對曰。得之衰時。位而觀之。侖美。然後有輝。脩之心。其殺以相待。故有滿虛哀樂之氣也。故書之帝八。神農不與存。爲其無位。不能相用。問運之合滿安臧。二十歲而可廣。十二歲而聶廣。百歲傷神。周鄭之禮侈矣。則周律之廢矣。則中國之草木。有移於不

大復曰世數未
來之測非運氣
歲周之說

大復曰祭有時
星云之舉三代
之變祭以表世
運夏祭闇曰星
殷祭陽曰焜周
祭日以朝及闇
曰星熺曰胸鼠
應廣子為鼠晝
伏夜出應陰陽
之數意二至祭
即華落意春秋
祭耶

通之野者。然則人君聲服變矣。則臣有依駟之祿。婦人為政。鐵之重反旅金。而聲好下曲。食好醜苦。則人君日退亟。則谿陵山谷之神之祭更。應國之稱號亦更矣。視之亦變。觀之風氣。古之祭有時而星。有時而星熺。有時而焜。有時而胸鼠。應廣之實陰陽之數也。華若落之。名祭之號也。是故天子之為國圖具其樹物也。

大復曰逐節生枝翦段雖珍瑣之玉葉金豆耳非大方之家大約文不論奇正以大雅則大以小巧則小

